



Action of Evangelical Churches for the Promotion of Health and Development (AESD)

PO Box: 3770, Kicukiro/Sonatube, Kigali, Rwanda | <http://aesdrwanda.wordpress.com> | Email: gbunini@yahoo.fr | Tel: +250 78 853 0335 | Key Contact: Dr. Gahungu BUNINI, Director



ABO TURIBO

AESD ni umuryango utegamiye kuri Leta ukorera mu Rwanda. Washinzwe mu 1995, ukaba ugamiye gukumura ibibazo bijyanye n'ubuzima hamwe n'iterambere ry'Abanyarwanda batishoboye. AESD ikorana n'amashyamba yayo agizwe n'amashyirahamwe y'ivugabutumwa n'amatorero kugirango igere ku baturage batishoboye hirya no hino mu gihugu cyane cyane mu nzego zo hasi. AESD igamiye iterambere rirambye rishingiye ku baturage binyuze mu mashyirahamwe y'ivugabutumwa mu matorero.

INGEZO ZA AESD

- ♦ Gufasha Abaturage b'Abanyarwanda kwiteza imbere no gukora ibikorwa bibyara inyungu;
- ♦ Kunganira amatorero n'amashyirahamwe y'ivugabutumwa mu gukumura ibibazo by'iterambere ry'abaturage no guteza imbere ubuzima bwiza;
- ♦ Guteza imbere ibikorwa byubaka amahoro n'ubwiyunge mu baturage;
- ♦ Kubaka ubushobozi bw'amatorero y'ivugabutumwa kugirango babashe atange serivisi nziza;
- ♦ Guhugura abahugura abandi n'abakurambaga mu iterambere;
- ♦ Gushyiraho no guteza imbere ibikorwa by'abadiyakoni mu iterambere ry'itorero y'ivugabutumwa mu Rwanda

MU KWIRINDA SIDA

AESD ifatanye n'umushinga SSF ifasha abantu bose mu turere twa Kirehe, Kayonza, na Rwamagana mu gukangurira abaturage kwirinda SIDA hakoreshejwe itangabutumwa rigamiye guhindura imyifatire. Ubundi buryo SSF ikoresha n'uguha abantu babana na virusi itera SIDA ubushobozi n'ubumenyi bw'ibanze mu gutangiza imishinga ibyara inyungu. Uyu mushinga wa Global fund uzakoresha amafaranga agera ku bihumbi Magana arindwi na mirongo itatu by'amadolari y'amanyamerika (US\$ 730,000) guhera mu 2011 kugeza mu 2014.

BEHAVIOR CHANGE AND SOCIAL MARKETING PROJECT (BCSM)

AESD ifatanye ibikorwa n'umushinga BCSM uterwa inkunga na USAID mu Rwanda. AESD icyo ikora n'ugufasha umushinga BCSM kugera ku nshingano zawo arizo: guteza imbere no gushyira mu bikorwa ubukangurambaga bugamiye imyifatire myiza mu Banyarwanda mu rwego ry'ubuzima, cyane cyane ku bibazo birebana na virusi itera SIDA na SIDA, malariya, ubuzima bw'imyorokore no kuboneza urubyaro, n'ubuzima bw'umwana. Mu ngamba AESD ikoresha harimo: ibiganiri bihuza abaturage, ubukangurambaga mu matsinda mato, gutegura ibikorwa bidasanzwe bihuza abantu benshi no gushishikariza abantu kwisuzumisha virusi itera SIDA ku bushake. AESD ikorana n'urubyiruko rurimo abo bita "Kapiteni" 108 n'abakurambaga b'urungano 96, abayobozi b'amatorero, n'abajyanama b'ubuzima mu gutanga ubutumwa ku baturage. Kuva muri 2008 kugeza muri 2012 inkunga yatanze igera ku bihumbi magana atandatu na makumi nyabiri na kimwe by'amadolari y'amanyamerika (US\$ 621,000).

AMATORERO N'UBUKANGURAMBAGA MU BATURAGE

Uyu mushinga ugamiye guhuriza hamwe amatorero n'abaturage ubakurambaga kwiteza imbere bakorera hamwe. Ukorera mu turere dutatu aritwo: Gakenke, Rwamagana na Nyarugenge. Mubyo umushinga ugamiye harimo kuba umuvugizi mu kurengera abana, gushigikira ibikorwa by'ababana na virusi itera SIDA, no gutegura ibiganiri k'uruhare rw'itorero. Mu bikorwa ukora harimo: guhugura abayobozi b'itorero n'abakurambaga mu kuyobora imishinga ifasha abaturage guteza imbere aho batuye, gufasha ababana na virusi itera SIDA kwibumbira mu matsinda y'ubwisungane no kubagezaho amatungo magufi, haba mu matsinda cyangwa ku muntu ku giti cye, kugirango babashe gutangiza imishinga iciriritse ibyara inyungu; no; kuyobora ingendo-shuli ndetse no gutegura buri mwaka umwihereho uhuriza hamwe abandi bahuzabikorwa bo mu yandi matorero. Uyu mushinga uterwa inkunga na Tear Fund, UK k'urugero rw'amafaranga akoreshewa mu bwongereza agera ku bihumbi mirongo itandatu mu gihe cy'imyaka itatu (£60,000).

UTURERE DUKORERAMO



"AESD ifite gahunda isobanutse yo kwihutisha iterambere mu Rwanda. Twatangiye tujya mu baturage tukabafasha bo bonyine kumva ibibazo bafite bijyanye n'ubuzima by'umwihariko ibibazo birebana no kuboneza urubyaro, amazi meza, SIDA, malariya n'izindi ndwara. Nyuma y'uko bo bonyine bumvise bakanabona ibibazo bibugarije, AESD icyo gihe ifatanye nabo mu gushakira ibisubizo. Turebera hamwe aho ibikorwa byacu byagira ingaruka nziza igaragara mu guteza imbere ubuzima bwiza. Nk'abemera b'abakirisitu, twemera ko umuntu agizwe na roho, umubiri n'umwuka, icyo gihe dushakira ibisubizo bibumbiye hamwe byose".

Dr. Gahungu BUNINI, Umuyobozi mukuru.



“Umugabo wanjye yaramenyereye ku mfata ku ngufu. Nageze aho murega k'ubuyobozi bwa polisi kuko yambabazaga cyane ariko ku mfata ntibyari byoroshye kuko yahitaga ahunga ntibabashye kumufata. Umuyobozi w'umudugu angira inama yo kumuhunga nkajya mu muryango wanjye. Ibyo narabikoze, mfata abana bacu ariko sinabatwaye bose, ubwo ngahora nihishe kugirango mbone amahoro. Nifuzaga gutandukana nawe kugirango ndengere ubuzima bwanjye kuko natinyaga ko yanyica. Ayo makimbirane yagize ingaruka ku bana kuko wabonaga ko bababaye cyane rwose. Babwiraga se wabo y'uko nakomeza kunkubita cyangwa se akabakubita nabo bazigendera burundu bakamucikaho. Aho abajyanama b'ubuzima bakorana na AESD baziye baratugobotse. Bambwiye ko bagiye kumfasha njye n'abana bacu ndetse n'umugabo wanjye. Bazaga mu matsinda mato mato bakavugana n'umugabo wanjye. Nibwo yaje kumva ko akuze bihagije, ko imyaka ye itamwemerera gukora ibyo adukorerwa ndetse ko afite inshingano nk'umugabo ndeste nk'umubyeyi zo kurengera umuryango wewe. Ubu twongeye kuba umuryango umwe tubifashijwe mu n'incuti hamwe n'abajyanama b'ubuzima bo ku kigo nderabuzima. Ubu rwose mbayeho mu mahoro, nshobora noneho kuryama ngasinzira mu nzu yanjye. Abana banjye uko ari batatu baranzezerewe rwose.”

Laurence MUHAWENIMANA, Umugore n'umubyeyi w'abana batatu, wari warakorewe ihohoterwa rishingiye ku gitsina, Umurenge wa Rwimiyaga, Akarere ka Nyagatare.

“Ndi umukene nyakujya kandi mfite abana benshi ndera. Dufite abana batanu bari hagati y'amezi atandatu n'umyaka cumi n'itanu. Umugore wanjye yagerageje kuboneza urubyaro ariko ntibyamushobokeye. Umwe mu bajyanama b'ubuzima bakorana na AESD yaje kunsobanurira ko atari umugore wanjye wenyine ugomba kuboneza urubyaro ko nanjye hari icyo nakora. Nibwo yansobanuriye uburyo abagabo bashobora nabo kwifungisha burundu. Numva ko koko bishoboka, nibwo naje kwiyemeza kubikora mu kwezi kwa gatatu 2012. Twaje guhabwa ubujyanama bw'uko bigenda: mbere, mu gihe na nyuma y'uko bikorwa kugirango dusobanukirwe buri kintu kijyanye nabyo. Abaganga bavuye i Kigali baje ku kigo nderabuzima cy'iwacu nuko badukorerwa byose k'ubuntu. Nyuma y'uko nifungishije burundu, umugore wanjye yararuhutse, ntiyongeye kugira ikibazo cyo gutwita no kubara bya burigihe. Nizeye ko imibereho yacu igiye kuba myiza kuko icyo umugore wanjye yabaga atwite ntacyo yongeraga kubasha gukora, ntiyashoboraga kugira icyo yongeraga k'ubukungu bw'urugo, yewe uko nashoboraga gukora kwose sinashoboraga guhaza urugo. Ariko ubu tubashije kuboneza urubyaro rwacu mu buryo buhoraho, ubu dufite ubushobozi bwo gukora igihe cyose kandi turabona imibereho yacu igenda irushaho kuba myiza k'uburyo bugaragara. Nta mpungenge tukigira z'uko yatwita. Ubu, ikidushishikaje n'ukwitezimbere twongera umutungo w'umuryango wacu.”

Epimaque TWIRINGIYIMANA, Umurenge wa Rwimiyaga, Akarere ka Nyagatare



AHO DUTANDUKANIYE N'ABANDI

1. AESD yibanda k'ugufasha abantu kumva ibibazo byabo bakishakamo ibisubizo, ibi bituma abantu bonyine bagana uko ejo hazaza habo hazamera
2. Kuba AESD ari umuryango wa gikirisitu (bitandukanye n'itorero) ni ukuvuga ko ufite intego itomoye igamije guteza imbere ubuzima no kwihutisha iterambere.

IBYAGEZWEHO

- ♦ Imiryango igera kuri 46 yashishikarijwe kwifungisha burundu (ku bagabo) kuva muri 2011 kugeza muri 2012
- ♦ Gukorana n'imiryango 90 y'icyitegererezo mu gusakaza inyigisho zirebana no kuboneza urubyaro n'ibindi bibazo by'ubuzima ku bantu bagera kuri 30,000.
- ♦ Nyuma y'amahugurwa ya AESD, imiryango yishyize hamwe igura matela 500
- ♦ Ibihumbi mirongo ine by'abantu bavuye mu matorero agera kuri 600 yitabiriye ibikorwa rusange
- ♦ Abantu 18 bibumbiye hamwe bahawe inka 54 zo kubafasha mu bikorwa bibayira inyungu
- ♦ Amatsinda 12 yoherejwe mu gihugu cya Uganda mu rugendo-shuli
- ♦ Inyigisho zitangwa na AESD zatumye habaho impinduka igaragara mu baturage cyane cyane ku birebana no kuganira ku bibazo byerekeranye n'igitsina mu muryango.



USAID
FROM THE AMERICAN PEOPLE